

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

**Naalakkersuisunut apeqqutit:**

- 1. Saqqami ilulissat eqqaani oqaluffiup iluarsaannissaanut pilersaaruteqartoqarpa ?**
- 2. Qanga kingullermik saqqami oqaluffik aserfallatsaalineqarpa qangalu nutarterneqarpa ?**
- 3. Kalaallit Nunuatta sineriaani oqaluffiit aserfallattaaliorneqarnmissaat pillugit pilersaarusiamik peqartoqarma? Aammalu nutarterinissamat pilersaaruteqarpa taamatullu aningaasaliissutinik naapertuuttunik aningaasaliisoqalersaarpa?**

(Inatsisartuni ilaasortaq Jens NapātôK´ ,Partii Naleraq)

**Tungavilersuut**

Sineriassuatsinni isorartuumi oqaluffiit aserfallasimasorpassuanngorsimasuupput taakkulu ataavartumik aserfallatsaaligassaapput, ullutsinnut naleqqussagaaginnaratik ataavartumik nutartertuartariaqartut inuiaqatigiinnut akilersinnaanerusumik kinguneqartitsisumik pilersaarusiorkkamik ataqatigiissaakkamillu.

Oqaluffiit oqaluttuarisaanikkut pingaarteqartut arlaqartut pigaagut aammalu arlaqartut allanngutsaaliugassatut nalilersorneqarsinnaasutut inissisimalersimallutik, soorlu aamma qulaani oqaluffik pineqartoq soorlu aamma taamatut inissisimasuusoq maannakkut atorneraarunnaarluni matuneqarsimasoq aserfallatsaalineqaranilu nutarterneqartarsimanginnera peqquataalluni

Inuiaqatigiit kalaallit oqaluffigut pingaartitaraagut aammalu ataqqisassaallutik taamaattumollu ataqqinnittumik periuseqarluta atugarisarlutigit naalagiarnermi ataatsimooqatigiiffittut sapaatini aammalu minnerunngitsumik nalliuttorsuarni anersaakkut pinngitsoorsinnaasattut nukittoqutigalugit atorluarneqartarlutik, inuit ataasiakkaaniit meeraanermiit kuisiffigalugit inersimasunullu ikaarsaalernermi apersortiffittut kingornalu amerlasuut aappariilernermi angernermi katiffigisarlugit tamatullu nunami maani inuunerup

naanerani eqqaaniaallunilusoq naggataamik qaniunitsinni ilisaanermi atorneqartarlutik inuup anersaakkut ingerlaqqinnissaanut inuulluaqqusilluta.

Oqaluffiit taamaammat ulluinnarni inuunitsinnut pingaaruteqartorujussuurtut inooriaatitsinnullu inissisimasuupput, taamaammallu aamma ataavartumik oqaluffiit asefallatsaalillugillu nutartertuarnissaat pingaaruteqartorujussuulluni.

Taamaammat Naalakkersuisut kaammattorusuppagut sineriatsinni oqaluffiit sulissutigissagaat oqaluffiit asefallatsaalinnissaat nutarternissaallu

Aningaasaliisoqarsimanngippat pingaaruteqarluinnartuummata Naalakkersuisut immikkut ittumik aningaasaliisoqarnissaanik ajartuisariaqarluinnartut ilanngullugu piaartumik sulissutigissagaat kaammattuutigaarput. Taamatullu Naalakkersuisut sakkortuumik kaammattorusuppagut Saqqami oqaluffiup piaartumik nutarternissaanut iliuuseqaqqullugit.